

# MAI ITA FUNU HASORU KI'AK

Objetivu Dezenvolvimentu Mileniu iha ami nia moris

Iha tinan 2000, nai ulun hosi nasaun hotu konkorda katak ita hotu tenke servisu hamutuk hodi funu hasoru kiak, hamlaha, moras, no mos eksklusuun – no au mesmu tempu fo promosaun ba igualdade jeneru, edukasaun, no mos meu ambiente nebe sustentavel. Objetivu sira ne'e hotu mak sira hanaran Objetivu Dezenvolvimentu Mileniu (MDGs).

Lor-loron ema hotu involve iha dezenvolvimentu ne'e no bele ajuda Timor-Leste ba futuru nebe oin seluk. Iha istoria hirak tuir mai ne'e, ami sei hato'o agrikultoris, peskadores, vendedores, soru tais, infermeirus, jornalistas, ONG lokal, no politika nain sira (hanesan ezemplu deit) sira hotu servisu hamutuk ajuda Timor-Leste hodi alkansa sira nia objetivu ba dezenvolvimentu ne'e.

## OBJETIVUS

- *Hamenus kiak no hamlaha*
- *Ema hotu tenke hetan edukasaun baziku*
- *Promove Direitu Igualdade ba feto ho mane no mos habi'it feto*
- *Hamenus mortalidade labarik sira nian*
- *Hadia saude inan sira nian*
- *Hadok an husi HIV/AIDS, malaria no moras sira seluk*
- *Garantia sustentabilidade meu ambiente*
- *Habelar parseira ho governo, doadores, sociedade sivil no populasuun hotu atu halao dezenvolvimentu*

## Domingas da Costa, vendedora no inan ba oan nain tolu koalio kona ba nia moris

Iha tinan hitu nia laran, Domingas da Costa hala'o nia negoisu kik hodi bele fo apoiu ba nia familia no atu bele halo nia oan sira hetan oportunitade bele remata sira nia eskola. Wainhira hahu'u, nia hola no sosa sabraka no hudi tasak. Maibe depois tinan rua, ho mudansa ekonomia nebe mak iha, nia mos troka ninia tipu negoisu no agora faan tomate no tempe. Nia istoria tuir mai ne'e

Domingas da Costa, feto energika ho tinan 38 hahu'u ninia negoisu iha tempu Indonesia tinan 1998. Negoisu primeiru nia halao mak fan sabraka no hudi tasak iha merkadu Baucau. Iha tempu ne'e nia bele hetan rendementu to'o 200 mil rupiah (20 dolar Amerika)

Iha 2000 depois Timor-Leste hetan nia ukun rasik an, Domingas muda husi Baucau ba Dili, ho razaun katak atu hetan susesu o tenke halao o nia negoisu iha Dili tamba iha oportunitade barak. Ho nia kolega balu, nia hahu'u ninia negoisu iha Merkado Lama, Kaikoli, kintinua nafatin fan aifuan hanesan sabraka no hudi tasak. Depois tinan rua iha Merkado lama, liu husi governu vendadores sira muda ba merkado nebe prepara tiha ona. Domingas ho nia kolega sira hili merkado Komoro, tamba merkado ne'e ladok husi sira nia hela fatin.

Hahu husi tempu ne'e, nia esforsu an atu bele dezenvolve diak liu ninia negoisu, ho tempu deskansa nebe uitoan. Komesa husi tuku 6 dadersan nia servisu to'o tuku 7 kulan, tempu barak nia uza iha ninia baraka nebe nia uza hodi fan sasan ba, nia fila ba uma ba nia oan nain tolu depois tuku 8 kulan.

Hanesan tempu nebe sempre iha mudansa, Domingas mos hahu' truca ninia negoisu nebe nia halao tuir duni kondisaun merkado nian. "Iha tempu Indonesia importasaun aifuan ladun barak, agora ne'e aifuan barak mak mai husi rai liur. No o tenke tau ne'e iha o nia konta". Nune'e wainhira nia muda ba merkado Komoro nia truca ninia tipu negoisu ba fan tomate no tempe (tipu hahan husi Indonesia). Tomate hirak ne'e nia hola husi Liquica, no tempe nia hola husi fatin sira iha parte merkado Komoro nian.

"Agora tempu ida nebe susar hodi hetan servisu, no ida ne'e laos fasil atu hetan osan se lahalo buat ruma," nia isplika. "Ita hein katak governu bele fo apoiu ba ami nia

negoisu ne'e. Oras ne'e dadaun ita bele hare kompania barak husi rai seluk ho tipu negoisu hanesan ho ita. Ida ne'e susar atu rejista, maibe ami servisu nafatin".



Wainhira Domingas nia laen nebe milisia sira oho iha pontekais Dili Setembru 1999 nia hala'o mesak hodi fo apoiu nafatin ba nia familia sira. Negoisu kik ho tomate no tempe ne'e komesa muda ona nia moris no bele fo ona apoiu ba nia no nia oan sira. Agora nia hare hela ba negoisu foun no espera katak nia bele hetan fatin diak atu nune'e fasil ba ema nebe hakarak hola sasan ruma husi nia.

Ho negoisu agora ne'e, Domingas esplika katak nia la iha kapasidade atu ajuda nafatin nia familia. Halo nusa mos, fiar katak edukasaun parte ida nebe importante tebes nia uza osan hirak ne'e hodi selu ba hahan no nia oan sira nia eskola." Hau iha oan nain 3, nain ida oras ne'e iha Universitariu Dili, nia estuda kona ba lei nian. Hau nia oan nain rua iha eskola sekundaria Sao Pedro, Komoro".

Molok nia atu hamrik hodi kintinua serve ema nebe mai hodi hola ninia tempe, nia hateten," Hau fiar katak iha loron ida hau nia oan sei iha moris oin seluk hanesan hau. Sira la presija lakon tempu lorloron iha merkado. Hau servisu makas hodi selu hau nia oan sira nia osan eskola, tamba sira mak futuru nasaun nian, no edukasaun ne'e buat ida nebe importante. Hau la interese tan kona ba hau nia servisu todan ne'e, hau tenke halo klaru katak hau nia oan sira tenke eskola." Ho hamnasa uitoan, Domingas kintinua serve ema sira nebe mai hola nia sasan.



EDUKASAUN • MEIU AMBIENTE • SAUDE • AGRIKULTURA • IGUALIDADE JENERU • PARSEIRA

IGUALIDADE JENERU • EDUCASAUN